

پولس و سیلاس زندان میان

- ۱۶ ایتا روز کی شوئون دیبیم روخان کنار کی محلّ دوعا کودن بو، ایتا کنیز بیدهیم کی اسیر روح ناپاک بو و طالع بینی امرأ خو اربابان سوڈ فراوان فارسانهیی.
- ۱۷ اون، امان و پولس دونبالسر راه دکفتی و فریاد زهیی: «آ مرداگان خادمان خودای متعال ایسیدی و شمر، نجات رای موعظه کونیدی.» ۱۸ اون همه تا روزا کار کودی. سر آخر پولس د صبر نوکوده، واگردسته بوگفته: «ای روح، به عیسی مسیح نام تر فرمان دهم کی جه اون بیرون بایی!» در جا روح اون جا خارج بوسته.
- ۱۹ او کنیز اربابان، چون بیدهیدی کی آ کار امرأ اوشان امید پول به دس آوردن باطل بوسته، پولس و سیلاس بیگفتیدی و فکش فکش امرأ بردیدی میدان شهر و تحویل دادگاه بدیدی تا محاکمه ببید. ۲۰ بزین اوشان قاضیان ورجه باوردیدی و بوگفتید: «آ مرداگان یهودی ایسید و امی شهر به آشوب فکشید. ۲۱ اوشان، رسم و روسومی تبلیغ کونیدی کی امان، رومیان ره غیر قابل قبوله.»
- ۲۲ مردوم، اوشان امرأ همدس بوبوستیدی. قاضیانم فرمان بدیدی کی اوشان لباسان بکنید و پولس و سیلاس چوب امرأ بزینید. ۲۳ وختی پولس و سیلاس بزهیدی، زندان میان تاودهیدی و زندانبان دستور بدیدی حُب مراقب به.
- ۲۴ زندانبانم چون اطو دستور بیگفته، اوشان ایتا سلول میانی تاوده و اوشان پای ایتا پیله کونده سر دوسته کی نتانید فرار بوکونید.

۲۵ نزدیک نصف شب بو کی پولس و سیلاس دوعا کونان و سرود خوانان خودای ستایش کودید و زندانیان دیگرم گوش دئن دیبید، ۲۶ کی ایدفعه یی، ایتا پیلہ زیمین لرزه بمو. توما م ساختمان زندان به لرزه دکفته و او لحظه زندان دران واز بوسته و زنجیرانم جہ همه تان دس بیجیر بکفتیدی. ۲۷ رئیس زندان بیدار بوسته و بیدہ زندان دران بازہ. شمشیر فکشہ تا خورہ بوکوشہ، چون فکر کودی کی زندانیان فرار بوکودید. ۲۸ ولی پولس فریاد بزہ، بوگفته: «تر زخم و زیلی نوکون، امان همه تان آہ ایسہ ییم!» ۲۹ رئیس زندان دستور بدہ مشعل باورید و سراسیمہ بوشو زندان دورون، ترسان و لرزان پولس و سیلاس پا جیر بکفته. ۳۰ اوشان باورده بیرون وورسہ: «ای بزرگواران، چی و ا بوکونم کی نجات پیدا بوکونم؟»

۳۱ اوشان جواب بدیدی: «به خوداوند عیسای مسیح ایمان باور کی تو و تی خانوادہ نجات پیدا کونیدی.» ۳۲ بزین خوداوند کلام اون ره و توما م اون اهل خانہ رہ موعظہ بوکودیدی. ۳۳ رئیس زندان فوراً اوشان زخمان بوشو بوسته و خودش و توما م اون خانوادہ تعمیم بیگفتیدی. ۳۴ پولس و سیلاس خو خانہ میان برده و سفرہ تاودہ؛ اون و توما م اون خانوادہ به خودا ایمان آوردن وستی خیلی خوشحال بید.

۳۵ وختی روز بو بوسته قاضیان، مامورانی ای اوسہ کودیدی زندانبان ورجہ و بوگفتیدی: «او مرداگان آزاد کون!» ۳۶ زندانبان پولس جہ ا پیغام واخبر کودہ و بوگفته: «قاضیان دستور بدیدی کی شمر آزاد کونم. پس باید بیرون و به سلامتی بیشید.» ۳۷ ولی پولس و اگر دستہ اوشان بوگفته: «شومان، امر کی رومی ایسیم بی

محاكمه همه كسّ ورجه شلاق بزهيدى و زندانى بوكوديد. هسه امر مخفيانه آزاد
كودن دريدى؟ اكار نوكونيمى! هسه خودشان خودشان باييد و امر جه آيه بيرون
باوريد.»

۳۸ ماموران، قاضيان بوگفتيد و اوشان چون بيشنوستيدى كى پولس و سيلاس
رومى ايسيدى، بترسه ييدى ۳۹ و بموييدى، اوشان جا عذرخواهى بوكوديد و تا
زندان بيرون بدرقه بوكوديد و اوشان جا بخواستيدى كى شهر ترك كونيد. ۴۰ پولس
و سيلاس، زندان ترك كوديد و بوشوييدى ليديه خانه و اويه ايمانداران ديلگر مى
بدييدى، بزین جه اويه بوشوييد.